

2021. Ordenantza fiskalak. Behin betiko onarpena 2020ko irailaren 25ean izandako Bermeoko Udaleko Osoko Bilkuran BAO 2020/10/06. 192. zk.

HERRI ERABILERAKO LURRETAN POSTU, BARRAKA, SALMENTA-POSTU, IKUSKIZUN EDO ATRAKZIOAK IPINTZEAGATIK, KALEKO INDUSTRIA IBILTARIENGATIK ETA ZINEMA ERRODAJEAK EGITEAGATIK ORDAINDU BEHARREKO TASA ARAUTZEN DUEN ORDENANTZA FISKALA

1.artikulua: XEDEA ETA OINARRIAK

Udal honek, Tokiko Araubidearen Oinarriak arautzen dituen apirilaren 2ko 7/1985 legearen 106. artikulua emandako ahalmenak eta Tokiko Ogasunen abenduaren 16ko 2005/9 Foru-Arauko 16. eta 21. artikuluetan oinarrituta, herri erabilerako lurretan postu, barraka, salmenta-postu, ikuskizun edo atrakzioak ipinteagatik, kaleko industria ibiltariengatik eta zinema errodajeak egiteagatik ordaindu beharreko tasa arautzea da ordenantza honen xedea.

2. artikulua: EGITATE EZARGARRIA

Udalaren herri jabariaren aprobetxamendu berezia edo erabilera pribatiboa da tasa honen egitate ezargarrria.

3. artikulua: SUBJEKTU PASIBOA

Orokorrean Bizkaiko Lurralde Historikoaren Foru Arau Orokorren 34. artikuluan azaltzen diren pertsona fisiko eta juridikoak dira subjektu pasiboak zergadun kontzeptuan eta tasa honetan bereziki, hauek:

1.-Subjektu pasiboak dira, zergadun lez, lizentziak edo emakidak jasotzen dituzten pertsonak edo erakundeak, edo aprobetxamenduaren onuradunak direnak, baimenik barik egin badira jarduerak.

2.- Gordailu edo finantza erakundeetako fatxadatan ezarritako kutxazain automatikoen subjektu pasiboa izango da:

a) Kutxazain automatikoan identifikatuta agertzen den finantza erakundea (izenaren edo anagramaren bitartez)

b) Titularraren identifikazioa ez denean agertzen kutxazaina daukan fatxadako titularra hartuko da.

4. artikulua: SORTZAPENA

Ordenantza honetan araututako tasa ordaindu beharra sortuko da:

- a) Herri jabariaren aprobetxamendu berrien emakidak direnean, lizentzia eskatzen den momentuan. Kitapen zuzenez jakinaraziko dira.
- b) Baimendu eta luzatutako aprobetxamenduen emakidak direnean, tarifetan agertzen diren aldi natural bakoitzaren lehen egunean. Errola bidez errezibozko kitapenak egingo dira.
- c) Enkante bidezko emakidak direnean, esleipena egiten den momentuan.
- d) Emakida edo lizentzien eskualdaketa kasuan, aldaketa onartzen den momentuan. Kitapen zuzenez jakinaraziko dira.

5. artikulua: TASA KUOTA

1.- Tasa kuota, tarifen atalean agertzen diren tarifak okupatutako eremuari aplikatzearen emaitza izango da, beti ere okupazioko elementu guztiak kontuan hartuta, azokatzoko lizentziaren eskualdaketa izan ezik. Azken kasu honetan, tasa kuota kopuru finko bat izango da.

2.- Tasa kuota murriztu ezina da tarifetan ezarritako eremu eta denboraren arabera.

3.- **Tarifak:** Epigrafeetan banatu dira aprobetxamendu motak, tokia eta iraupena kontuan izanda.

4.- Herriko irabazi asmo gabeko elkarteek edo taldeek antolatzen dituzten ekimenen okupazioagatik ez da tasarik ordaindu beharko, gizarte, kultura edo kirol arloko jarduerak bultzatzeko ekimenak badira eta Bermeoko Udala ekimenen laguntzaile edo antolatzaile baldin bada.

2021 (€)

1.EPIGRAFEA: Etsetxo edo kantina desmuntagarrien eta txanpona behar duten aparatu automatikoen bidezko aprobetxamendua eta edozein instalazioren okupazioa gutxienez hilabetekoa denean, m ² -ko eta hileko edo zatiko guneen arabera honako tarifa hauek:	m ² / hileko
-1. gunea	23,69 €
-2. gunea	17,39 €
-3. gunea	11,23 €
-4. gunea	9,51 €
-5. gunea	7,56 €
-6. gunea	5,78 €
-7. gunea	5,03 €
-8. gunea	4,53 €
-9. gunea	3,14 €
-10. gunea	2,48 €

-11. gunea	1,81 €
-12. gunea	0,99 €
-13. gunea	0,18 €
-14. gunea	1,55 €
2. EPIGRAFEA: Postuak, etxetxoak edo liburuak saltzeko ibilgailuak, bisuteria, loreak, beste edozein produktu, hilabeterako baino gutxiagoko iraupeneko lizentziak direnean. Baita, ibilgailuen salmenta eta erakusketa, ikuskizun eta jolasetako okupazioa, karabana eta feriako ibilgailuen okupazioak, filmaketak egiteko okupazioak ere bai, m2-ko edo zatiko eta eguneko guneen arabera honako tarifa hauek:	m2 / eguneko
-1. gunea	1,27 €
-2. gunea	0,94 €
-3. gunea	0,58 €
-4. gunea	0,58 €
-5. gunea	0,44 €
-6. gunea	0,37 €
-7. gunea	0,31 €
-8. gunea	0,21 €
-9. gunea	0,18 €
-10. gunea	0,16 €
-11. gunea	0,11 €
-12. gunea	0,04 €
-13. gunea	0,04 €
-14. gunea Gune bereziak Gaztelugatxe, Izaro eta abar	1,52 €
Salbuespen modura Aita Guria itsasontzian ezkontza erreportajeak egitea	117,64 €
3. EPIGRAFEA: Herriko jaietan barraken tokiaren okupazioa, m ² -ko edo zatiko eta eguneko	2,55 €
4. EPIGRAFEA: Azokatzoko postuak, m ² -ko edo zatiko urtean	70,47 €
4.1 Azokatzoko lizentzien eskualdaketa	1.367,06 €
5. EPIGRAFEA: Herriko jaietan era guztietako postuak ipintzea, m ² -ko edo zatiko eta eguneko:	9,12 €
6. EPIGRAFEA:- Kutxazainak: kasu guztietan jotzen da kutxazain bakoitzak metro koadro bi okupatzen dituela.	
Lehenengo kategoriako kalean	602,25 €
Bigarren kategoriako kalean	442,02 €
Hirugarren eta hortik beherako kategoriako kaleetan	285,25 €
7. EPIGRAFEA- Gaztaina postuak, denboraldia	80,23 €

6. artikulua: KITAPENAK ETA ORDAINKETA.

1.- 1. eta 2. epigrafeetako aprobetxamenduen kuotak lizentzia ematean kitatuko dira zuzeneko kitapenaren bidez, lizentzia jaso duen aprobetxamenduaren iraupenaren eta eremuaren arabera.

Ikuskapena edo egiaztapena eginda, hartutako eremua handiagoa bada edo aprobetxamenduaren iraupena luzeagoa bada, kitapen osagarria egingo da, betiere zerga urratzea dela-eta egokia den zigorren kalte barik.

Lizentziarik bako aprobetxamenduen kasuetan, zuzeneko kitapena egingo da ikuskapenaren edo salaketaren espedientean agertzen diren datuen arabera.

2.- Barrakak

a) Esleipena enkantez bidez egiten bada, 3. epigrafeko tarifa lizitazinorako gutxieneko kopurua izango da. Esleipeneko tarifaren araberrako kuotaren ordainketa baldintza pleguan ezarrita dagoen legez egingo da.

b) Herriko jaietan barraka gunek daukan jolas eta izaera soziala kontuan hartuta, udalak herriko jaietan barrakak jartzeko beharrezkoa den herri jabariaren okupazioa hitzartu dezake Euskadiko feriararien elkartearekin edo elkarteekin. Okupazioaren eremua, denbora, onurak eta bestelako aldagaiak kontuan izanda finkatuko ahal izango da 3. epigrafeko tarifa baino txikiagoa edo tasa kuota eta jartzeko baldintzaz gainera, zenbateko hura ere hitzarmenaren xedea izango da.

3.- Azokatxoak

a) Lizentziak *Kalez kaleko salmenta Bermeon arautzen dauan ordenantzan* xedatutakoaren arabera emango dira eta tasa honi dagokionean bereziki aipagarriak dira ordenantza horretako 14. eta 25. artikulua.

b) Lizentziak:

.- Lizentziek 10 urteko iraupena daukate eta lizentzia eskariak horretarako deialdia kaleratzen denean aurkeztu beharko dira Berh@z bulegoan, deialdian finkatutako ezinbesteko agiriak aurkeztuta.

Deialdia zabaldu eta lizentziak emateko prozedura amaitu ondoren posturen bat hutsik geratuko balitz, hurrengo deialdira itxaron barik aurkeztu ahal izango dira lizentzia eskariak, eta berdin, deialdi bat eta bestearen arteko epean, hutsunerik suertatuko balitz.

.- Eman daitezkeen salmentarako baimen kopurua aurkeztutako eskariak baino gutxiago izango balira, baimenak zozketa bidez emango lirateke. Horretako, baimenak saltokietan saltzen diren produktuen arabera hainbat taldetan sailkatuta egongo dira, eta zozketa bakarrik egingo da baimen baino salmentarako eskari gehiago dauden taldeetan, aldiz, talde bateko salmentarako baimenen kopurua nahikoa izango balitz aurkeztutako eskabide guztietarako, aurreko paragrafoko prozesua jarraituko da.

- Esleipendunekin Azokatzoko errolda eratuko da.
- 4. epigrafeko urteko tarifa aplikatuta ematen duen zenbatekoa izango da urteko tasa. Baina lau hiruhilekotan banandutako errolda fiskalen bidez errezibozko kitapenak egingo dira, urteko tasaren zenbatekoa horrela zatituta.
- Urtean zehar egon daitezkeen alta eta baja kasuetan tasaren zenbatekoa hiruhilekotan zatituko da. Alta kasuan eskaria egin zeneko hiruhilekoa hartuko da kontuan eta baja kasuan eskaria egin zeneko dataren hurrengo hiruhilekoa.

4.- Beste epigrafeen ordainketa egiteko modua

a.- 5. eta 7. epigrafeetako aprobetxamenduen kuotak azokako arduradunak kobratuko ditu zuzenean erabilera egunean, lizentzia jaso duen aprobetxamenduaren iraupenaren eta eremuaren arabera ikuskaturik.

b.- 6. epigrafean jasotako aprobetxamendua lizentzia ematean kitatuko da zuzeneko kitapenaren bidez, eta Errenta Sailak errolda eratuko du.